

مَسَائِدُ الْقِسَالَةِ

مَسَائِدُ الشِّكَاكِ



از

مترجم رساله حمديه

اسماعيل حقي



باب والای مشيخته منعقد تدقيق مؤلفات اسلاميه انجمنی ايله
فتواخانه جديك تصديقي اوزرينه معارف نظارت جليله سنت
« ۱۱۰ نومرولى و فى ۱۱ ذى القعدة سنة ۳۱۲ هـ و فى ۲۶ نيسان
سنة ۳۱۱ تاريخلو رخصتنامه سيلاه » طبع اولمشدر .



استانبول

عالم مطبعهسى — احمد احسان و شركائى

۱۳۱۳



بِسْمِ اللّٰهِ الرَّحْمٰنِ الرَّحِیْمِ

الحمد لله وكفى وسلام على عباده الذين اصطفى *
خصوصاً منهم على السراج المنير المصطفى * وعلى آله
الذين هم انوار الهدى واعلام الدجى *
بعدا علم شريف فقهك مناكحاته عائد قسمي
معاملات عموميه به شدت تعلق اولمق حسيله يلنمسي
اهم اولدقدن بشقه ديات جهتيله ده پك چوق احكام
جليله به مدار قلنمسنه مبني افراد مسلميندن همان هر
فرد حقنده لزوم معرفتي دركاردد .

نكاحك صحتي اخلال ايدن يا خود اساساً
انعقادنه مانع بولنان اسباب و حالاتدن توقي ايديله
رك مقتضاسنه رعايت ايدلينجه نه قدر نيوك محذورلر
تولد ايدده جكني ايضاحه حاجت يوقدر .

اب وجدك اسمی دخی ذکر اتمی لازمدر. انحق
تعیین افاده ایدن اضافت اسم مقامنه قائم اولور بوجهتله
زیدك یالكز برقزی ویاخود بر همشیره سی اولدینی
شاهدلك معلومی اولور ایسه قزیمی ویا همشیره می دیمسی
کافی اولور .

اما ایکی قزی اولوبده بیوکنی تزویج آرزو ایدن
کیسه حین عقدده غلط ایدرك کوچکنك اسمیله تسمیه ایلسه
نکاح کوچکی حقنده منعقد اولور .

(تنیه)

قادین حقنده ذکر اولسان صور تمیزیه اركك
حقنده جاری و معتبردر .

۹ مسئله

كرك اصیل ، كرك وکیل اولسون عاقدینك هربری
دیكرك کلامنی ایشتمك صحت عقدده شرطدر تا که رضایه
دلالت اتمك شانندن اولان کلامك هر برندن صادر
اولدینی دیكرك نزدنده تحقق ایتسون .

اما حقیقت رضا شرط دکلدر چونکه هزل واکراه
ایلهده نکاح منعقد اولور . [۱]

۱۰ مسئله

حين عقدده شهادت ایتک ایجون ایکی ارکک یاخود
برارکک ایله ایکی قادین حاضر بولنق شرطدر .
شاهدلرک هر حالده عاقل ، بالغ وحریت ایله متصف
اولملری . وایجاب و قبولی مجتمعا ایشتملری [۲] و مقصود
عقد نکاح اولدیغنی فهم ایتملری [۳] و قادین مسئله
اولدیغنی صورتده مسلم دخی اولملری شرائط لازمه دندر .

[۱] کاورد فی الحدیث . ثلاث جدّهن جدّوهزلهن
جدّ النکاح والعناق والیمن .
[۲] نام ویااصم اولان کیمسهلرک یاننده عقداولنسه
صحیح اولماز . مکرعاقدین اخرس اولوبده اشارت معهوده .
لریله عقد ایدرلرایسه بو حالده شاهدلرک اصم اولملری
جائز اولور .

[۳] اما الفاظک معانیسنی فهم ایتک شرط دکلدر .
بناء علیه عبارة عربیه ایله عقد صورتنده شاهدلرک عربی
بیلمملری مانع صحت اولماز .

قادین کتابیه اولدینی خالدہ ناکھی مسلمده اولسه
اوصاف مذکورہ بی جامع اولان غیر مسلمک شہادتی
صحت عقدہ کافی و معتبردر .

۱۱ مسئله

صریح اولان ایجاب و قبولک معناسنی بیلک شرط
دکدر .

چونکہ نکاح جدوہزلی مساوی اولان شیلردندر .
مدلولات الفاظی بیلک ایسه قصد و ارادہ به توسل
ایچون معتبردر بنساء علیہ قادین (زوجت نفسی فلانا)
ویا ارکک (زوجت فلانہ) ترکیب عربیسنی تلقین
اولنوب معناسنی بیلکسزین شهود محضرنده تلفظ ایلدکده
طرف آخردن قبول انضمام ایدنجه عقد صحیح اولور .

اما مخالفه و برای دین بیع حکمنده اولغله تلقین
مجرد ایله صحیح اولماز ، تفهیم لازمدر .

(الفاظ وصیغ)

۱۲ مسئله

ایجاب و قبول صریح اولان « تزویج » و « نکاح »

لفظ ایلہ صحیح اولدینی کبی فی الحال تملیک عینہ وضع اولنان
هر لفظ ایلده صحیح اولور .

هبه ، تملیک ، جعل ، عطیه ، بیع ، شرا کبی .
فقط بونلر هب کنایه قیلندن اولدینی جهتله بو
صورتده شهودک عقد نکاح مقصود اولدیغنی فهم ایتمیرینه
مدار اوله جق قرآن بولمق ویا طرفینک نیتی اولجه
کندیلمیرینه اعلام اولمق لازمدر .

اما جاره ، اعازه ، وصیت مطلقه ، رهن ، ودیعه ،
کبی فی الحال تملیک العینی افاده ایتمیان الفاظ ایله نکاح
صحیح اولماز .

(شرح)

مبادله فعلیه — ایجاب و قبولدن مقصد اصلی اولان —
راضی به دلالت ایتمدیکنندن انکلهده بیع منعقد اولور
و بیع بالتعاطی تسمیه قنور ایسهده نکاحده فعلاً قبول
صحیح اولمیوب محک شدت حرمتدنناشی انجق صریح ویا کنایه
قیلندن اولان لفظ ایله منعقد اولور امدی قادین
شهود محضرنده « بیک درهم مهرایله نفسمی سکا تزویج
ایتمدم » دیدکده ارکک لسانیله « قبول ایتمدم » دیمیوب

فقط او مجلسده مهر مزبوری تماماً تسلیم ایسه نکاح منعقد اولماز .

۱۳ مسئله

حاضر بالمجلس بولنانك تحریراً ایجاب و قبولنه اعتبار اولنماز .

مثلاً : ارکک « سنی زوج ایتدم » دیدکده قادین قبول ایتدم عباره سنی برکاغده تحریر ایله شهوده عرض ایسه نکاح صحیح اولماز .

اما خاطر غائبك طلب تزوجه دائریازدینی عباره سنی قادین شهوده عرض ایله نفسی خاطر مزبورده تزویج ایتدم دیسه عقد صحیح اولور .

(شرح)

اگر طالب عقد اولان کاتبك عباره سنی ماضی و یا فعل حال ایسه مکتوب له اطرفندن شهوده عرض اولنق لازمدر [*] اواکر صیغه امر ایسه شهوده عرض اولنسی

[°] مثلاً « سنی زوجه لکه قبول ایتدم یا خود تزویج ای دیورم » دیه یازلمش ایسه شو عباره عقد نکاحک « ایجاب » رکنی دیمک اولمغله تشکیک اولنه جق مجلس عقدده شاهدلره ارائه ایدمک اقتضا ایدرکه انلرک تمام عقده شهادتلی تحقق ایتسون .

لازم دكلدر چونكه بو صورتده قادين وكالت حكيميه
عقدك طرفيني تولى ايدو جكنندن مزبورونك كلامنى
استماع ايتك كافيدر . (مصفى)

١٤ مسئله

شو قادين بيم زوجه مدمر ديه اقرار ايتك قبول عد
اولنماز چونكه اقرار حدذاتنده ثابت اولان برشيئي
اظهار اولوب يكيدن انشا دكلدر . قبول ايسه ايجاب
كبي شرعاً انشا نوغندندر .

(شرح)

واقعا مهر و نفقه دعوارنده طرفينك تصادقه بناء
حاكم زوجيته حكم ايدر لكن بوندن طولاي اقرارك صيغ
عقددن اولمسي لازم كلمز .

١٥ مسئله

ولايت نفس ايله قبول نكاحه مالك اولان هر شخصك
شهادتيله نكاح انعقاد ايدر .
[انجق انكار و وقوعنده اثبات نكاح ايدو جك شاهدلك
احكام سارو ده مقبول الشهاده اولمري لازم اوله جغندن احتياط

اولئیدر [ایمدی فا۔۔ق واعمی كذلك زوجینک یاخود
احد همانک اوغللری محضرنده۔ اوصاف سابقه‌نی حاز
اولدقلری صورتده۔ نکاح صحیح اولور.

۱۶ مسئله

وکیلک حین عقدنده موکل حاضر اولورسه مباشر
عد اولور [۱] بوجهتله زید صغیره قزینی تزویج ایتمه
عمری توکیل ایدوبده محل عقدده کندیبی دخی حاضر
اولور ایسه وکیل شاهده منقلب اولوب برشاهدک دها
وجودی کافی اولور [۲]
کذلك پدرک بالذات عقدی صورتنده عاقله، بالغه [۳]

[۱] زیرا وکیل سفیر اولوب موکلک عباره۔نی ناقلدر
لیدی الحضور عباره دخی موکلک کندوسنه انتقال ایدنبجه
مباشرت محقق ایدر الحق نکاحی لیدی الايجاب اثبات
صددنده وکیل بالذات عقد ایتدیکنی سوبله مه مک لازمدرکه
کندی فعلنه شهادت قییلندن اولسون .

[۲] الوکیل شاهد عند حضور الموکل کالولی عند
حضور موایته بالغه « حموی عن النقایه »
[۳] اما صغیره ویا مجنونه اولورسه ولو حاضره اولسون
مباشره عد اولنغه صلاحیت یوقدر .

اولان قزىنك حضورى مز بوردنك مباشره عد اولنمىنى
 ايجاب ايتديكندن ولىسنك شاهد اعتبار اولنمى حسييله
 ديكر برشاهدك دها وجوديله عقد صحيح اولور. [°]

١٧ مسئله

الله تعالى ورسولك شهادتياه نكاح ايتك صحيح دكلدر.
 فقط - جناب رسول حقنده علم غيب اعتقادينه مپنى -
 كفرى ايجاب ايتمز. « درمختار »
 بعض احوالك روح محمدى به عرض و اعلام بيورلمقده
 اولسنه نظراً بعد الوفات دخى حضرت پيغمبرك غيبى بيلمسى
 جاژدر. « تاتارخانيه »

١٨ مسئله

نكاح متعه باطلدر.
 (نكاح متعه) مدت معينه نك انقضا سييله ويا خود زوجك
 ترك وانصرافيله نهايت بولمق شرطنه مقارن اولان عقد
 نكاح دن عبارتدر كه قسم اولنه (نكاح موقت) دخى دينور.

[°] الحاصل ان الامر اذا حضر جعل مباشر اللعقد «در»
 وفي تزويج المولى امته البالغة بحضرة رجل وهي حاضرة
 اختلاف . ومقتضى هذا الاصل عدم الجواز لان مباشرة
 المولى ليس فكاً للحجر عنها في التزوج كما في البحر عن
 الفتح ، وتفصيله في حاشية ابى السعود .

أيدي حين عقده ولو شهود احضار اولنسه وتمتع
ماده سی ذکر اولنسه بیه مجرد عقد نکاح مقاصد
صحیحہ سنہ مغایر بولنان توقیت شرطنی درج ایتمکه نکاح
باطل اولور [۱] مدت کړک مجهوله وکړک معلومه ، طویله
ویاخود قصیره اولسون .

اما حين عقده زوجك يالكز برمدت معینه ظرفنده
برابر مک ایتمکی قلباً نیت ایتسیله ویاخود مثلاً بر آیدن
صکره تطلیق ایتنک شرط قلنسیله عقد نکاح متعه قیلندن
اولماز .

چونکه توقیت انجق لفظ ایله اولور ، قاطع اولان
طلاقک اشتراطی ده مؤبداً انعقاده دلالت ایدر [۲] .



[۱] وقال زفر یصح النکاح الموقت ویبلغو التوقیت
ورجحه ابن الهمام وادرجه ابن عابدين فی المسائل التي
یفتی فیها بقول زفر حتی بلغت عشرين ونظم فیها قصیده
لطیفة وقد شرخاها بالعربیة منذ زمان « یسرالله تیبضه »
[۲] فقط شرط مذکور باطدر . « قنیه »

لا یصح تعلیق النکاح بالشرط ولا اضافته ولكن لا یبطل
بالشرط ویبطل الشرط « خلاصه »

فصل رابع

محرمات بیانہ در

۱۹ مسئلہ

اسباب حرمت اون ایکی اولوب شونلردن عبارتدر .
 قرابت ، مصاهرت ، رضاع ، جمع ، ملک ، شریک ، لعان ،
 احتمال ذکورت ، اختلاف جنسی ، غیرک حتی تعلق ایتمک ،
 غیر حره بی حره یه تشریک ایتمک ، طلاقات ثلثه ایله تطلیق
 ایلمش بولنمق در .

۲۰ مسئلہ

قرابت نسبیہ ایله حرام اولانلر انسانک کندی اصول
 وفروعیہ - که والدہ سی و پدر و والدہ سنک و والدہ لری و
 قزلی و اولادینک قزلیدر - ابوینک فروعیدر . یعنی
 قزلی و اولادینک قزلی و همشیره لری و انلرک قزلی کذلک
 اجداد و جداتنک پالکر بر بطنده کی فروعیدر .
 بو جهتله عمه لری ایله خاله لری دخی حرام اولوب عم
 و عمه نک و خال و خاله نک قزلی حلالدر .

۲۱ مسئلہ

مصاهرت ایله حرام اولنلر: زوجه مندخول بهانک قزلی
 که « ربیبه » تسمیه قنورلر کذلک مزبورہ نک اوغللرینک
 قزلی و ربیبه لری قزلیدر . و عقد صحیح ایله منکوحه نک

ام وجده لرى [١] واب واجدادك موطونه لرى ايله عقد صحيح ايله منكوحه لرى وابنا ايله ابنا اولادك موطونه لرى وبونلردن برينك منكوحه سيدر .

كذلك اصول وفروعك شهوت ايله تقيل ويامس ايلدك لرى . ومزنيته نك وشهوت ايله مس وياخود فرج داخلنه نظر اولناسانك — ولوقادين صو ايجنده اولسون وياخود دلبند وجام كى برحائل رقيق بولنسون — اصول وفروعى حرامدر [٢]

(شرح)

يعنى زانى ولامس وناظر اولان شخصك كندى حقنده اوقادينك اصول وفروعى حرام اولوب شخص مزبورك اصول وفروعه حرام اولمازلىر . اما مرأه مزبورهنك كنديسى شخص مزبورك اصول وفروعه حرام اولديغى بو [١] الحاصل ريبيهنك حرمتى والده سنك وطء ايدلمش اولسيه مقيددر .

بناء عليه قبل الدخول طلاقى ويا وفاى وقوع بولان منكوحه نك زوجى انك قزى نكاح ايدم بيلير . اما منكوحه نك والده سى مجرد عقد صحيح وقوعى اوزرينه زوجنه حرام اولور .

[٢] مثلاً بر قادين ايله زنا ايدن ياخود شهوت ايله الندن طوتان شخص اونك قزى ويا والده سنى نكاح ايدم مز .

حكمتك اوست طرفدن مستفاد اولور ، شخص مزبورك
كنديسنة ايسه نكاح اولنه بيلير [۱]

۲۲ مسئله

حرمت مصاهره ايله نكاح زائل ومرتفع اولماز بلكه
فاسد اولوب زوجك اوزرينه ترك ايتك فرض اولور [۲]
بوجهته زوجك قولاً تركندن وياخود قاضينك تفریقندن
اعتباراً واجب اولان عدتی منقضیه اولدن محرمه مزبوره نك
زوج آخره نكاح اولنسی صحیح اولماز .

۲۳ مسئله

حرمت مصاهره بی موجب اولان شیرده عمد ،

[۱] خلاصه مفاد ! حرمت مصاهره — مزنيه نك
كنديسى زائينك اصول وفروعنه . واصول وفروعى
زائينك كنديسنه حرام اولمقدن عبارت اولوب بناءً عليه
مزنيه زائى به . واصول وفروعى انك اصول وفروعنه حرام
اولماز . مثلاً بر شخص باباسنك زنا ايتمش اولدينى قادينى
آله مازسهده انك قزىنى آله بيلير .

[۲] حرمت مصاهره وقوعدن صكره و طء ايلمك
زنا عد اولنه رق حد شرعى اجراسنى ايجاب ايتيور ايسهده
قطعياً حرامدر وحرمت مزبوره مؤبد اولديغندن تجديد
نكاحه اصلاً امكان يوقدر .

خطا . اکراه ، نسیان . برذر . مراهق ، مجنون ، سکران
دخی بالغ ناقل ، صاحی حکمنده در .

۲۴ مسئله

رضاع ایله حرام اولانلر قرابت نسبیله ایله حرام
اولانلردر انجق رضاع بابنده استثنا اولنه جق طقوز
صورت واردرکه انلرده جرمت یوقدر .

۲۵ مسئله

جمع ایله حرام اولان قادینلر شونلردرکه هرهانکیسی
ارکک فرض اولنسه دیکرینه حرام اولور بویله اولان
قادینلرک کرک نکاح وعدته و کرک ملک یمین ایله استفراش
خصوصنده جمع ایدملری جائز دکلدر .

امدی نسب یاخود رضاع جهتیله اختین کذلک عمه
ایله بنت الاخ وخاله ایله بنت الاخت بینی نکاحاً جمع
اولنمدیگی کبی اختینک بری مثلا تطلیق اولندقبده عدتی
تمام اولندن دیکری نکاح اولنهماز .

اما حین وفاتنده کونی کونسه دیکرک عقد اولنسی
جائزدر .

۲۶ مسئله

عمتین وخالین بینی دخی جمع اولنهماز . مثلا : ایکی

ارڪ يڪديڪرڪ والده سنى نكاح ايدوبده برر قزلى دنيايه كلسه مزبوره قزلك هربرى ديكرڪ عمهسى اولور كذلك ايكي ارڪ يڪديڪرڪ قزى نكاح ايدوبده برر قزلى دنيايه كلسه مزبوره قزلك هربرى ديكرڪ خالهسى اولوركه بينلىرى جمع اولنه ماز .

۲۷ مسئله

برقادين ايله زوج سابقك قزى واوغلكك زوجهسى جمع اولنه بيلور . چونكه مزبوره قادين ارڪك فرض اولنسه زوج سابقك ديديكمز قزى نكاح ايدو بيلور [°] كذلك حلياة الابن ارڪك فرض اولندوقده مزبوره قادينى نكاح ايتمى جائز اولور .

۲۸ مسئله

ملك يمين ايله استغراض خصوصنده جمع اولنقى مشروع اوليان قادينلىرى ملكده جمع ايتك صحيحدر «بحر» فقط اولجه وطء وياحود لمس وياتقىيل اولنان بر جاريه نك مثلا همشيرهسى عقد صحيح ايله نكاح اولنسه مزبوره لرك بريسى حقنده حرمتى موجب برسبب اجرا

[°] زيرا ارڪك فرض اولنديغنه كوره زوجه اولمدن چيقه جنى جهته زوچنك قزى بر شخص اجنينك قزى اولور .

اولئمن دن دیکریله دخی استمتاع حلال اولماز. [°]

٢٩ مسئله

مولی جاریه سنی ، عبد سیده سنی نكاح ایتک صحیح
دکدر یعنی هیچ برئمره بی مفید اولماز چونکه مملوکیت
مالکیته منافیدر انجق زمانمزده احتیاطه بناءً جاریه نك
نكاح اولئمنسی امر حسندر « در مختار »

٣٠ مسئله

مسلم حقه آتسه واصنام وکواکبه طپان ، الحاصل
بر کتاب سماوی به اتباع ایتین قادیئر حرامدر .
اما کتابیه ولوحریه اولسون حلالدر .

٣١ مسئله

حاکم حضورنده ملاغنه ایدن زوجین بینی تفریق

[°] چونکه عقد نكاح وطئ حکمندهدر . حتی
بوکا بناءً بر مشرقی مغریه بی نكاح ایلدکده برلشدکری
معلوم اولسهده ینه اومنگوحنک اولادینک نسبی مغربی
مزبوردن ثابت اولور . « در مختار »

مسئله نك عقد نكاح ایله تقیدی اشعار ایدیورکه
جاریه موطوئه نك همشیره سنی اشترا صورتنده مزبوره
وطئ ایلدکجه اولانک وطئ حرام اولماز .
اما وطاء ایدیایر سه ایکیسی ده حرام اولور . « ابن عابدین »

اوله رق بینونت وقوعندن صکره ولو بریسندن اولسون
اهلیت لعان شرائطی زائل اولدجه تجدیدنکاح جائز دکدر .

(شرح)

ملاعنه بی — که حقیقتی یمین ایله مؤکد ولعنت
ویاغضب الہی ذکرینہ مقرون اولان درت عدد شہادت
مخصوصہ دن عبارت اولوب کیفیت اجراسی حکام شرعک
معلومیدر — ایجاب ایدن شی ادای شہادته اهل اولان
زوج — ولو فسقندن طولایی مقبول الشہاده اولسون
— اہلیت مذکورہ بی حائر اولان زوجہ عفیفہ سنی عقد
صحیح دن لا اقل آلتی آی مرور ایلدکن صکره طغور -
مش اولدینی بر ولدی نفی ویا صریح زنا بی نسبت ایله
قذف ایتسنہ بناء زوجیتک بقاسی حالده مزبورہ طرفندن
مواجبی مطالبه اولنمقدر .

زیرا قذف مزبورک ثبوتی تقدیرنده اگر زوج
کندیسنی تکذیب ایدرسه حد قذف . واکرمصر اولورسه
(ملاعنه) اجرا اولنمق لازمدر .

ملاعنه اجرا اولدینی صورتده حاکمک تفریقیاہ
بینونت واقع اولوب ارتق بینلرنده توارث جریان ایتمز .
اگر زوج نفسنی تکذیب ایدیورسه تجدیدنکاح حاجت
اولیه رق و طء حلال اولور چونکہ تکذیب نفس ایله
کذلک شخص اخری قذف ایله محدود اولمق یا خود

زوجه نك عفتی زائل اولمق كبی اسباب سائر نك بریله
احد هادن اهلیت ملاغه زائل اوله جنغدن تلاعن سابقك
حكمی باطل اولور .

بناءً علیه بوصور تده تفریق وقوغندن صكره تجدید
نكاح ده جائز اولور .

(المتلاعنان لا یجتمعان ابدأ) حدیث شریفی « مادام
حكم التلاعن باقیاً » قیدیه مقید در .

۳۲ مسئله

خنثای مشکلك — كرك ار ككه وكرك قادینه یا خود
دیكر برخنثایه — نكاحی موقر قدر یعنی حقیقت حال
تین ایتدیجه نكاح صحیح احكامی ثابت اولماز ، چونكه
خنثای مزبورك — كه عضو اعتباریله رجال ونسایه
مشابهتی بولنوبده علامت لرنده تعارض وقوع بولان [°]

[°] بر صنفه مختص علامتك تحقیقی حالنده اشكال
بولنیه جنغندن اوصنفك احكامی احراز ایدر . مثلاً !
یا لکز بر عضودن تبول ایتك . كذلك ایکیسندن ده تبول
ایتمسیه برابر بول اوللا برندن ظهور ایلمك کیفیتی التحاق
ایده جکی صنفی تعیین ایلیه جکی کبی لیه وندی مستوی
صاحبی اولسی و جماعه مقتدر بولنسی کندیسنك ارکک ،
ندی مرتفع پیدا اولسی و حیض کورمسی و و طء ایدیه -
بیلنسی قادین اولسنی اثبات ایدر .

یاخود بلوغ بالسن زماننده کنديسنده هيچ برصنك علامتی ظهور ایتین انساندر — احتمال ذکورتی ارتفاع ایتدیکی حالده صحت تزوج و خلوت نسا و لبس حریر کبی (اشباه) ده استئنا اولنان احکامک ماعداسنده [°] قادین حکمنده در اما استئنا اولنان احکام مخصوصه ده مقتضای احتیاط نسیاه مخالف اولمسیدر .

۳۳ مسئله

نبی نو عمر ایله طائفة جنك كذلك فی الحقیقه حیوان اولان انسان المالك ازدواجی مشروع دکلدر .

(شرح)

جنك تشكلی ایتلمی احادیث و آثار ایله مثبتدر انجق صور مختلفه ایله تشكلی ایلدکلرندن ذکورک اثی صورتنده ظهور ایتمی جائزدر بو حالده احتمال ذکورت مانع صحت اولوب تین حقیقت ایسه خارج امکاندر .

خصوصا بو بابده آیروجه نهی نبوی وارد اولمش و (ما طاب لكم من النساء) قول شریفنك اطلاق « جعل

[°] امامت و رجال ایله خلوت و محر مسز سفر و سائرهنك

جائز اولماسی کبی .